


出像搜神記


三四

漢書門		九九一	函	架	冊
類		〇	四	八	三

漢書		九九一	函	架	冊
類		〇	三	五	三

內閣文庫		番號	漢 9910
		冊數	3 (2)
		函號	309 87





新刻出像增補搜神記卷之三

金陵三山對溪唐富春校梓

淺草

目錄

觀世音

天王

地藏王

金剛

十大明王

十地閻君

十八羅漢

寶誌公

盧六祖

達磨

普庵

泗州大聖

傅大士

二郎神

蕭公

晏公

宗三舍人

楊四將軍

水府

沿江遊奕神

洞庭君

湘君

巢湖太姥

宮亭湖神

海神海神水神俱附

廬山神

蘇嶺山神

新羅山神

射木山神

南無觀世音菩薩




南無觀世音菩薩

月十九日生

昔有一國王號曰妙莊王三女長妙音次妙緣又次妙善善即菩薩也王令其贅不從遂之後花園居之白雀寺尼僧苦以搬茶運水鬼使代之王怒命

焚寺寺僧俱燬於麟而菩薩無恙如初命斬之而三折命縊以白練帶忽黑霧遮天一白虎背之而去屍多林青衣童子侍立遂歷地府過奈何橋救諸苦難還魂再至屍多林太白星君化一老人指與香山脩行後莊王病惡剎目斷臂救主王往禮之兩時道成空中現千手千眼靈感觀世音菩薩奇妙之相永為香山显跡云



山景曾南復甲巳

卷之三

三

天王



天王

按釋氏源流有毘留勒義天王有毘留博義天王有
提頭賴吒天王有毘沙門天王昔唐太宗從高祖
起義兵有神降於前自稱毘沙門天王願同力定
乱其手將有猪首象鼻者故所向成功及即位詔
天下公府皆祀之天聖初詔諸郡置祠仍建佛寺
俱以天王為額此天王之所由晉建也

地藏王菩薩



地藏王菩薩

七月三十日生

職掌幽冥教主十地閻君率朝賀成禮相傳王舍城
傳羅卜法名目捷連嘗師事如來救母於餓鬼群
叢作孟蘭勝會歿而為地藏王以七月三十日為
所生之辰士人禮拜或曰今青陽之九華山地藏
是也按傳新羅國僧唐時渡海居九華山年九十
九忽召徒眾告別但聞山鳴石隕俄分趺坐於函
中泊三稔開將入塔顏貌如生昇之動骨節若金
鑽焉故曰金地藏以是知傳者之誤

金剛



金剛

金剛密跡是也按三昧經如來到那乾訶羅國降五
 羅魔時金剛神手把大杵上頭出火燒諸惡龍上
 王驚怖走入佛影又嘗揮大利劍擬鬼王額鬼王
 驚怖抱持小兒長跪上佛又嘗白佛垂意小食化
 鬼神衆及世尊滅度金剛悲哀懊惱作如是言如
 來捨我入於寂滅我從今日無歸無依無覆無護
 哀惱災患一旦頓集憂愁毒箭深入我心此金剛
 杵當用護誰即便棄擲自今以往當奉侍誰說種
 上言戀慕如來此金剛之而自顯化也

十大明王



十大明王

一 焰鬘得迦忿怒大明王 二 無能勝大忿怒明王
 三 鉢訥鬘得迦大忿怒明王 四 尾覲難得迦大
 忿怒明王 五 不動尊大忿怒明王 六 吒枳大
 忿怒明王 七 你羅難拏忿怒明王 八 大力大
 忿怒明王 九 送婆大忿怒明王 十 轉日羅捕
 多羅大忿怒明王
 此十大忿怒明王各有三面七各三目皆頭上頂
 佛以虎皮為衣鬪護為冠髮髻堅立

十地閻君



十地閻君

- 一殿閻君秦廣王蕭
- 二殿閻君楚江王曹
- 三殿閻君宋帝王廉
- 四殿閻君五官王黃
- 五殿閻君閻羅王韓
- 六殿閻君變成王石
- 七殿閻君泰山王畢
- 八殿閻君平等王千
- 九殿閻君都市王薛

十殿閻君轉輪王薛

十八尊阿羅漢



十八尊阿羅漢

- 第一賓度羅跋羅墮闍尊者
- 第二迦諾迦跋蹉尊者
- 第三迦諾跋釐墮闍尊者
- 第四蘇頌陀尊者
- 第五諾距羅尊者
- 第六跋陀羅尊者
- 第七迦哩迦尊者
- 第八伐闍弗多羅尊者
- 第九戌博迦尊者
- 第十半託迦尊者
- 第十一羅怛羅尊者
- 第十二那伽半那羅尊者
- 第十三因竭陀尊者
- 第十四伐那波斯尊者
- 第十五阿氏多尊者
- 第十六注荼半託尊者
- 第十七慶友尊者
- 第十八賓頭盧尊者

出家僧甫更申已



寶誌禪師

寶誌禪師朱才嘉中見形於東陽鎮古木鷹巢中朱
 氏聞巢中兒啼遂收育之因以朱為姓施宅為寺
 焉公自少出家依於鍾山道林寺常持一錫杖懸
 刀尺及鏡拂之類或掛一兩尺帛數日不食無餓
 容時或歌吟詞多識記士庶皆共事之齊建元中
 武帝謂師惑衆收付建康獄既旦人見其入市及
 檢獄如故建康尹以事聞帝延於宮中之後堂師
 在華林園忽一日重著三布帽亦不知於何所得
 之俄豫章王文惠太子相繼薨齊亦以此貴矣由

二象曾補史仲紀

是禁師出入

梁高祖即位下詔曰誌公迹拘塵垢神遊冥寐水火不能焦濡蛇虎不能侵懼語其佛理則聲聞以上談其隱淪則遜仙高者豈以俗士常情空相拘枳何其愚陋至於此自今勿得復禁師或一日對帝食鱸帝曰一人知味二十餘年師何為尔師乃吐出小魚鱗尾依然今建康尚有鱸殘魚是也皇后郗氏崩數月帝常追悼之晝則忽忽不樂宵則耿耿不寐居寢殿聞外騷窳聲視之乃見一蟒盤躡上殿啖睛呀口以向於帝帝大驚駭無所逃遁不得已噉然而起謂蛇曰朕宮殿嚴警非尔蛇類所

生之處必其妙孽欲崇朕耶蛇為人語故帝曰蟒則昔之郗氏也妾以生存嫉妬六宮其性慘毒怒一發則火熾矢射損物害人死以是罪陷為蟒耳無飲食可實口無窟穴可庇身飢窘困迫力不自勝又麟甲有蟲咬啣肌肉痛苦其劇若加錐刀焉蟒非常蛇亦復變化而至不以皇居深重為阻耳感帝平昔眷戀之厚故托醜形骸陳露於帝祈一切德以見拯救也帝聞之嗚呼感激既而求蟒不復見帝明日大集妙門於殿庭宣其由問善之最以贖其言師對曰非禮佛懺滌愆不可帝乃然其言搜索佛經錄其名號兼親杼睿思洒聖翰撰

悔文共成十卷皆採摭佛語削法閑詞為其懺禮
又一日聞宮室內異香馥郁良久轉美初不知所
來帝因仰視乃見一天人容儀端麗謂帝曰此則
隣后身也蒙帝功德已得生怙利天今呈本身以
為明驗也慙慙致謝言訖而去此見梁武懺序師
於梁天監十三年冬將卒忽告衆僧令移寺金剛
神像出置於外乃密謂人曰菩薩將去矣未及旬
日無疾而終舉躰香而化在世九十七年帝以錢
二十萬易定林寺前岡獨龍阜以葬師永定公主
以湯沐之資造浮圖七級於其上帝命陸倕製銘
賜玻黎珠以飾塔表南唐保太七年加號妙覺塔

名應世宋太宗太平興國七年舒民柯萼遇老僧
往萬歲山指古松下掘之得石篆乃寶公記聖祚
綿遠之文於是遣使致謝謚曰寶公妙覺治平初
更謚道林真覺大師按建康實錄開善寺有誌公
履唐神龍初鄭克俊取之以歸長安今洗鉢池尚
在塔西二里法雲寺基方池是也

盧六祖



盧六祖

盧六祖名能廣東新州人唐宣宗朝學佛見曹溪水
 香遂於其地擇一道場求之地主但云只得一架
 柴地足矣地主從之遂以架柴鋪設方圓八十里
 今南華山大祖道場是也肉身俱存香烟薰其面
 如漆至元丙子年漢軍以利及鑽其腹見心肝如
 生人於是不敢犯衣鉢盡載之有宣宗御賜袈裟
 織成淡山水有西天鉢非銅鉄非木石有西天履
 非葦非木有其華經十六七葉有佛齒以小銀合
 載之元有一孽龍據深潭為民害六祖曰只怕爾
 變小其龍果小遂以鉢盂載之在寺中乳枯歸附

此家舊有碑記

卷之三

十二

達磨



達磨

十月初五日生

二十八祖達磨自天竺國泛海見梁帝不契替上嵩
山少林寺面壁九年端居而逝癸熊耳山魏宋雲
奉使西域迴過師子葱嶺見手攜隻履翩翩而逝
雲問師曰西天去又謂雲曰汝王已厭世雲聞之
茫然別師東還暨復命則明帝已登遐矣迨孝莊
即位雲具奏其事帝令起壙惟空棺一隻革履存
焉

山家僧月夜白已

普庵禪師



普庵禪師

十一月二十七日生

普庵禪師名印肅袁州宜春縣余氏子也當宋徽宗
 政和五年十一月二十七日辰時生年六歲夢一
 僧點其心曰汝他日當自省既覺以意白母親之
 當心有一點紅瑩次侶世之櫻珠父母因此許從
 壽隆院賢和尚出家年二十七歲落髮越明年受
 戒師容貌魁竒智性巧慧賢師器之勉令誦經師
 曰嘗聞佛祖元旨必貴了悟於心數墨巡行無益
 於事遂辭師遊湖湘謁牧庵忠公因問萬法歸一
 一歸何處忠公堅起佛子師遂有悟后歸受業院

癸酉歲有隣寺慈化者衆請住持寺無常住師衣
衾紙衣晨粥暮食禪定外唯閱華嚴經論一日大
悟遍躰汗流喜曰我今親契華嚴境遂述頌曰

搵不成團樸不開 何須南岳又天台

六根門首無人到 惹得胡僧特地來

一日忽有僧名道存冒雪至師目擊而喜曰此乃
吾不請友矣遂相與寐坐交相問答師乃庵隱南
嶺號曰普庵後營募重為慈化修建佛殿慕道向
風者衆師乃隨宜為說或書頌與之有病患者折
草為藥與之或有疫毒人跡不相往來者師與之
頌咸得十全至於祈晴伐怪木毀淫祠靈應非二

由是工役大興富者施財貧者施力巧者施藝寺
宇鼎新延以數千里之間關路建橋樂為善事皆
師之化忽一日索筆書頌於方丈西壁云

乍雨乍晴寶象明 東西南北亂雲深

失珠無限人遭劫 幻應權機為汝清

頌畢示衆曰諸佛不出世亦無有涅槃入吾室者
必能元契矣善自護持無令退失索浴更衣跏趺
而寐時則軋道五年七月二十一日

勅封普庵寂感妙濟真覺昭貺禪師



泗州大聖

泗州僧伽大師者唐高宗時至長安洛陽行化歷吳
 楚間手執楊枝混於緇流或問師何姓答曰我姓
 何又問師是何國人曰我何國人尋於泗上啟構
 伽藍因宿州民賀跋氏捨所居師曰此本為佛宇
 令掘地果得古碑云香積寺即齊禁龍建所創又
 獲金像衆謂燃燈如來師曰普光王佛也因以為
 寺額景龍二年中宗遣使迎大師至輦轂深加禮
 異命往大薦福寺三月三日城帝祝送師歸臨淮
 福寺漆身起塔忽臭氣滿城帝祝送師歸臨淮言
 訖異香騰沸帝問方迴曰僧伽大師是何人邪曰
 現音化身耳軋符中謚證聖大師

傅大士



傅大士

傅大士名翕婺州義烏人也自幼聰慧通三教之書
 自號善慧八士梁普通元年遇天竺僧嵩頭陀語
 曰爾彌勒化身遂令自鑒於水乃見圓光寶蓋即
 悟前因因問修道之地頭陀指松山下雙擣木曰
 此可矣

大士於此創庵大通三年置寺雙擣間即今雙林寺
 有法華經梁武帝所賜鉄犁餅鉢水晶數珠七佛
 銅冠至今尚存初

大士學道難不家者派而不髮世以為先知先覺可

免釋子冠服云時有餘虎岩在又鳥之南二十五里又雲黃山頂多猛獸搏害居民大士齋竟每持餘飯飼之自茲虎獸伏匿又化石成青紫色瑩然可愛堪琢以為數珠有陶姓者居嘗資給大士大士因指石祝之曰此石青紫可琢數珠且戒之曰不汝商相傳到今惟此一家能之他家倣效石輒碎裂後忠獻王往婺州祭大士之塔取骨殖塑大士像山舉之不動即其地建龍華寺以骨殖塑大士像於塔一統志稱傳大士墓在雲黃山石晉開運初吳越錢元佐遣使取其遺骨歸葬錢唐敏庵之日有兩虎據墻而吼是夕大雨雷電震動山谷及行

虎隨至蝦蟇江阻水而返

出像增補神記

卷之三

七

灌口二郎神



灌口二郎神

育二十六日生

二郎神者姓趙名昱從道士李珣隱青城山隋煬帝知其賢起為嘉州太守郡左有冷源二河內有老蛟為害春夏水漲漂滄傷民昱大怒特設舟船率壯士及居民夾江鼓譟昱持刀入水有頃其水赤石崖奔吼如雷昱右手持刀左手持蛟首奮波而出時有佐昱入水者七人即七聖是也隋末世亂棄官隱去不知所終後江水漲溢蜀人見昱於青霧中感其德立廟於灌江口奉祀焉唐太宗封為神舅大將軍明皇加封赤城王宋真宗封清源妙道真君

蕭公



蕭公

公姓蕭諱伯軒龐眉蛟髮美髭髯面如童少年為人
 剛正自持言笑不苟善上惡上里閭咸為之質平
 歿於宋咸淳間遂為神附童子先事言禍福中若
 發機鄉民相率為立廟于新淦縣之太洋洲福澤
 一方元時以其子祥叔死而有靈合祀於廟
 本朝洪武初嘗遣官諭祭永樂十七年其孫天任卒
 屢著靈異亦祀于此
 詔封為水府靈通廣濟顯應英佑侯大著威靈于九
 江八河之上

晏公

山像壇神像神託

卷之三



晏公

公姓晏名戍仔臨江府之清江鎮人也濃眉虬髯面
 如黑漆平生疾惡如探湯人少有不善必曰晏公
 得無知乎其為人敬憚如此元初以人材應選入
 官為文錦局堂長因病歸登舟即奄然而逝從人
 斂具一如禮未抵家里人先見其輜騶導於曠野
 之間衣冠如故咸重稱之月余以死至且駭且愕
 語見之日則即其死之日也啟棺視之一無所有
 蓋尸解云父老知其為神立廟祀之有靈顯于江

湖

本朝詔封平浪侯

古像曾亦安中已

卷之三

三



宗三舎人



宗三舎人

六月初六日生

楊四將軍



洋子江三水府



洋子江三水府

五代史楊氏據江封馬當為

上水府廟在山之陽

采石為

中水府廟在采石山下封王宋加顯靈順聖忠祐王

金山為

下水府廟在金山寺內三廟

本朝俱稱水府之神水面江心一呼即應舟人過者
必具牲帛以禱今有司歲時致祭

洋子江三水府

卷之三

三五

松江遊奕神



松江遊奕神

陳堯咨泊舟三山磯有老叟曰來日午時有大風舟
 行必覆宜避之未日天晴萬里無片雲舟人請解
 綵公曰更待之同行舟一時離岬忽然黑雲起於
 西北大風暴至折木飛沙怒濤若山同行舟多沉
 溺公驚嘆又見前叟曰某乃江之遊奕神也以公
 他日當位宰相故奉告公曰何以報德叟曰吾不
 求報貴人所至龍神禮當護衛願得金光明經一
 部乘其力稍可遷職公許之至京以金光明經三
 部遣人詣三山磯投之叟曰本祈一公

賜秩三連陸

洞庭君



洞庭君

君洞庭湖神也。有廟在龍堆。按傳有柳生者，名毅。唐中宗時，下第歸至涇陽，見一婦人牧羊，謂生曰：「妾洞庭君小女，嫁涇川父，子為婢，所惑毀黜，至此，敢煩寄尺牘，歸生謝，不知所向。」婦曰：「洞庭之陰有大摘樹，擊樹三，當有應者。」生如其言，有武夫揭水引入，至靈虛殿，取書以進。洞君泣曰：「老夫之罪，使孺弱罹害，須之有，亦能飛去。」俄紅粧擁一人，即寄書女也。宴生碧雲宮，君第號錢塘。君謂生曰：「涇陽髮歸，歌託高義，為親，洞生不敢當，辭而去。后再娶盧氏，即謝女也。」

洞庭君

三

湘君



湘君

按山海經洞庭之山帝之二女居之蓋舜南巡崩葬於蒼梧之野二妃從之不及溺死沅湘之間人為立廟世稱湘君湖口及君山俱有廟昔秦始皇南遊浮江遇大風因問湘君何神博士對曰堯女舜妃始皇怒命赭其山即此唐韓愈有碑李白詩

帝子瀟湘去不還 空餘秋草洞庭間

淡掃明湖開玉鏡 丹青益出是君山

劉禹錫詩

湖光秋水兩相和 潭面無風鏡乍磨

遙望洞庭山擁翠 白銀堆裏一青螺

出象曾南史申巳

卷之三

三



巢湖太姥

按青瑣高議云古巢一日江水暴漲尋復故道溝有
 巨魚萬斤三日乃死合郡皆食之獨一姥好善不
 食其肉吾將厚報之東門石龜目赤城當陷姥日
 往視有稚子欺之以朱傅龜目姥見急走登山而
 城陷為湖是為巢湖後人立廟於湖之姑山上以
 祀太姥舟行者罔不祭焉羅隱詩有借問當年沉
 水事已經秦漢幾千年之句

宮亭湖神



宮亭湖神

神魚姓名顯應於南康府東之宮亭湖上神來則陰
霾蔽日其声澎湃若潮以奔騰能分風令一南一
北上下各不順帆能擘浪如持靈犀而入海守郡
者重其神且防其為舟行之硬也立祠宮亭湖上
歲時享祀有呼必應遠近行者賴之宋秦觀宿湖
邊惜竹軒夢湖神贈詩曰

不知水宿分風浦 何似秋眠惜竹軒
聞道文章妙天下 廬山對面可無言

九鯉湖仙



九鯉湖仙

何氏莫詳其世代兄弟九人修道於仙遊縣東北山中故山名九鯉仙又居湖側煉丹丹成各乘赤鯉而去故湖名九鯉廟在湖上最靈驗每大比歲郡中士子祈夢於此信君著蔡

本朝黃孟良感其事賦詩一律以紀之云

人已登仙鯉化龍 伊誰湖上構仙宮

石遺丹竈潺湲裏 雲鎖瓊樓縹緲中

青鳥去來猶夜月 碧桃開落自春風

此行不為邯鄲夢 擬向邳橋遇石公

海神 潮神 水神 波神



海神

即海若是也相傳秦始皇造石橋欲渡海觀日海神
為驅石始皇求神相見神曰莫圖我形始皇從之
及見左右巧者描益神形神怒曰帝負約可速去
今廟在文登縣

潮神 即子胥人見其素車白馬乘潮而出

水神 謂禹強河伯

波神 謂川后

廬山匡阜先生



廬山匡阜先生

先生者姓匡名續字君平南楚人號匡阜先生生而
神靈兒時便有物外志周武王時師老聃得長生
之道結茅南障山虎溪之上隱焉室中無所有惟
置一榻簡書數篇而已武王屢徵不起遇少年傳
以仙訣得道漢武帝南巡狩登祀天柱嘗望秩焉
繼而射蛟潯陽江中復封先生為南極大明公更
命立祠於虎溪舊隱郡守桓伊遷先生祠於山口
凡水旱癘疫禱之皆應焉

廬山志卷之三

三三二

蘇嶺山神



蘇嶺山神

廟在襄陽府之東南鹿門山按漢光武幸犁丘夢一
 神人縞衣羽裳素巾皂帶來謁帝問曰汝何神斯
 神曰臣蘇嶺山神也更條數事語竟而去時習柳
 以侍中從行明日帝以語柳上夢亦如之毫髮不
 爽后光武封郁襄陽侯使立蘇山神祠刻二石鹿
 夾祠前神道百姓謂之鹿門廟靈異顯著唐孟浩
 然詩漸至鹿門山、明翠微淺昔聞龐德公采藥
 迹不返隱跡今尚存高風邈以遠

新羅山神



新羅山神

廟在福之汀州蓋汀本晉之新羅縣唐始有汀名按
寰宇記開元末新羅縣令孫奉先登坐所事見神
曰吾新羅山神也今從府王求一牛為食奉先請
以羊豕代牛神怒於是疫癘大起奉先亦病亡后
人有詩云

卓絕新羅百尺崖 神魔相倚洞天開
窪樽相伴先羊豕 不惜浮雲入夢來

新羅山神記

三五

射木山神


出修補神言一。卷之三



射木山神

肇慶府之陽春縣有射木山山有雲靈雲罩其上必
 雨開則霽山南有祠曰射木山祠漢封其神曰儲
 休侯靈顯最著廟食一方水旱疾疫有禱必應舊
 傳江南有李氏者無子一夕夢神託生為嗣因名
 符後登第歷官知春州啟行辭其母曰兒往必不
 歸矣逮抵官來射木山謁祠下顧瞻門廡若舊所
 觀未几卒自符之生而廟食廢及其卒而廟復靈
 以是知符之生祠神之現世也按唐之春州即今
 之陽春縣是已

陽春縣志卷之三



新刻出像增補搜神記卷之四

金陵三山對溪唐富春校梓

目錄

蔣誼武帝	常州武帝	楊州五司徒	西楚霸王
義勇武安王	開公	雲陵王	惠應王
威惠顯聖王	伍子胥	金山大王	萬迴觀國公
趙元帥	彭元帥	潤澤侯	威濟侯
靈派侯	崔府君	伏波將軍	密都統
宋刺史	甘大夫	陸大夫	杭州蔣相公
高里相公	祖將軍	花卿	華山之神
聶家香火			

出像增補搜神記

蔣莊武帝



蔣莊武帝

建康府蔣莊武帝諱子文揚州人也漢末為秣陵尉
 逐賊至鍾山下擊傷額而死焉及吳先主之初其
 故吏見子文於道乘白馬執白羽扇侍從如平生
 故吏見而驚走子文追謂之曰我當為土地神以
 福尔下民為吾立廟不尔使虫入人耳為灾吳主
 以為妖言後果有虫入人耳死者甚衆鑿巫不能
 治又云不祀我當有大火是歲數有火灾又云不
 祀我當有大疫吳主患之封中都侯加印綬立廟
 於鍾山下更名山曰蔣山表其靈異晉蘇峻之難

帝夢將侯曰蘇峻為逆當助共誅之後果斬峻加
封相國大元中符堅入寇望見王師部陣齊整又
見八公山上草木皆類人形憮然有懼色初會稽
王道開堅入寇以威儀鼓吹求助於蔣山神及堅
望之若有助焉宋高帝永初二年詔禁淫祠自蔣
子文以下皆絕之加至相國大都督中外諸軍事
封蔣王齊永明中崔慧景之難迎神還臺以求福
助事平乃進帝號復新廟宇以廟門為靈光門中
門為興善門外殿曰帝山內殿曰神居梁武帝常
祠而不應遣使以焚其廟未及中途忽風雨大作
振動宮殿帝懼祠之乃止南唐謚曰莊武帝更修

廟宇徐鉉奉勅撰碑備載其事因宋朝會要曰開
寶八年廟火雍熙四年重建景祐二年陳公執中
增修請於朝賜廟額曰惠烈
本朝洪武二十年改建於鷄鳴山之陽刻三吾奉
勅撰記土人曰十廟此其一也

常州武烈帝

出處增補神譜卷之四



常州武烈帝

忠祐武烈大帝姓陳諱果仁字世威常州晉陵人也
 聖祖嵩仕陳為羽林郎父季明拜給事中帝於梁
 太清三年己巳三月望日午時誕生英姿照人有
 鼎角匿犀之異衆皆竒之八歲能屬文十三徧讀
 諸史陳太帝天康元年舉進士第對策玉階年甫
 十有八授監察御史遷江西道巡察大使帝智勇
 絕人精深韜畧仕陳二十有五載以孝以忠德惠
 萬民威名滿天下入隋不仕煬帝南遊江都群盜
 並起帝聞其名詔令討盜俾除民害義不可辭奉

出處增補神譜卷之四

命而起大業五年授秉義尉平長白叛寇進朝請
大夫平江寧樂伯通叛徒十萬授銀青光祿大夫
平東陽婁世幹賊衆二十萬召入拜大司徒大業
末沈法興起兵吳興謀據常郡包藏禍心陽為依
附時賊帥李子通集衆數萬屯江北與法興陰為
應援懼帝威勇不敢渡至唐高祖武德二年庚辰
五月十八日法興詐稱疾亟走告於帝不得已往
問疾飲酒中毒馳歸時有高僧凜禪師以醫名亟
召之治療其法當於間寐無人處水滌腸去毒帝
室沈氏至池上潛窺而觸之帝知不可為遂囑附
凜禪師及軫張二妃俾施所居第并南幣為精舍

東第為崇釋觀言訖而薨享年七十有二法興聞
之自謂得志豈知帝英爽如在忠節愈勵一日黑
雲蔽空風雨晦冥忽見形威發一神矢射薨法興
寇衆四清其護國威靈有如此者唐天子封忠烈
公碑封福順武烈王后周加以帝號宋宣和四年
賜廟額曰福順

武烈顯靈昭德大帝 武烈沈后 軫后張夫人

神父啟靈侯

神母懿德段夫人 神繼母嘉德伊夫人

神子贊惠濟美侯 次子協應濟順侯 神孫處士

佐神崇大尉名克宏封翊靈將軍

揚州五司徒



揚州五司徒

揚州美顯司徒茅許祝蔣吳五神居揚州日結為兄弟好畋獵其地舊多虎狼人罹其害山溪畔遇一老婦五神詢問孑然無親餓食溪泉五神請於所居之廬拜呼為母侍養未久或出獵而婦不見其母五神曰多被虎啖俱奮身逐捕山間有虎迎前伏地就降由是虎患始息后人思其德義立廟祀之凡所祈禱隨求隨應廟今在江都縣東興鄉金匱山之東至隋煬帝時曾護駕有功封號司徒唐加侯號宋至紹定辛卯逆賊李全數來寇境禱於

出梁晉兩受神記

卷之四

五

神不吉以神像割破之不二日全被戮於新塘肢
躰散落猶全之施於神者賊平帥守趙公范親率
僚屬致享祠下以吞神貺撤其廟而增廣之錄其
陰助之功奏請於朝賜廟額曰英顯加封至八字
侯後平章賈公似道來守是邦有禱於神者遇旱
暵則飛雨憂霖潦則返照救焚則燭滅故雪則瑞
應其獲國祐民無時不顯復為奏請加封王號

第一位靈威忠惠翊順王

第二位靈應忠利輔順王

第三位靈助忠衛佐順王

第四位靈佑忠濟助順王

第五位靈勇忠烈楚項王

西楚霸王



西楚霸王

西楚霸王項王羽也廟在和州東北四十里即其所
不渡之烏江也山不高而草木鬱鬱冷然殺氣奪
人雖守者結茅山之麓不敢近焉舊傳廟面江覆
舟為梗有遊客以漢家今已屬他人之句慰之廟
為易向宋紹興金主亮欲渡江乞杯琖不從亮怒
令焚廟俄有大蛇遶出屋梁殿後林木鼓噪發聲
若數千兵亮大驚左右駭散去許表詩

千載興亡莫浪愁
漢家功業亦荒墟
空餘原上虞姬草
舞盡春風未肯休

出像皆補神記
義勇武安王



義勇武安王

五月十三日生

義勇武安王姓關名羽字雲長蒲州解良人也當漢末典琢却張飛佐劉先主起又兵後於南陽卧龍岡三謁茅廬聘諸葛孔明宰割山河三分天下因號為蜀先主命關公為荊州牧不幸呂蒙設計公乃不屈節而亡追贈大將軍葬於玉泉山土人感其德歲時奉祀焉護國祚民廟額曰
義勇武安王宋徽宗加封尊號曰
崇寧至道真君

零陵王

出傳地補神記卷之四



零陵王

王姓唐諱世旻字昌圖本零陵人也世居永州府西
 南之龍洞唐昭宗時盜起世旻結鄉兵保里閭劉
 建鋒奉為永州刺史光化初馬復攻之不屈而死
 後或聞鈺鼓聲且數晝見嘗有一木自洞流出止
 於石荆峰人送之中流詰旦復還如是者數四適
 天旱禱而雨遂取其木像而祀之今府城南及石
 荆岬俱有廟甚靈應湖南馬氏享以王爵後宋亦
 累封焉

出像增補神記
惠應王

卷之四

十



惠應王

于姓歐陽名祐溫陵太守也舟次邵武之大乾河溺
死後人立廟大乾祀之極為神異水旱祈禱其應
如響按謁夢錄宋李綱嘗謁廟夢神延接讓以主
位綱固辭神曰他日更仗主盟及為相值神加封
果與署名葉祖洽赴省試夢神將犬肉一片置几
上命食之又指殿下竹一束示之莫曉其義明年
作大魁方悟一片犬肉置几上乃狀元二字前者
廷對皆出賦題至是始問策竹一束者策字也如
此類者不可勝紀今廟曰惠應

以家傳有農中已

卷之四

十一

威惠顯聖王

出像增補神記

卷之四



威惠顯聖王

神姓伍名員字子胥楚大夫奢之子也平王听諛殺
 員父奢兄尚子胥奔吳言伐楚之利吳與楚戰果
 勝焉吳遂入郢負掘平王屍鞭之三百吳伐越勾
 踐棲于會稽求為臣妾吳王許之子胥諫不听太
 宰嚭譖負王使賜之屬鏹以死將死曰吳其亡乎
 吳王聞之怒乃取負屍盛以鴟夷革浮之江中吳
 人憐之為立祠江上廟號曰
 威惠顯聖王

山陰縣志卷之四

十一

出像增補神記
金山大王



金山大王

大王姓霍諱光即漢之大將軍也者舊傳云吳主皓
染病甚煩燥不自禁勅百官遍禮靈祠顯廟罔應
忽一日五更夜色將闌晨光欲燦有神附小黃門
云病愈病愈司巫者曰汝何神執何事而報是吉
凶也神曰臣漢之霍光也金山鹹海風潮為害當
統部屬鎮之來為陛下報吉翌日皓疾果愈遂為
立廟於嘉興之海鹹縣治東賜廟額曰顯忠俗呼
曰金山大王



萬迴虢國公

萬迴公者虢州閩鄉人也姓張氏唐貞觀六年五月
 五日生而癡愚至八九歲方能語嘯傲如狂鄉
 黨莫測一日令家人洒掃云有勝客至是日三歲
 玄壯自西國還訪之公問印度風境了如所見壯
 作禮稱是菩薩有兄萬年久征遼左母程氏思其
 音信公曰此甚易爾乃告母而往至暮而還及持
 書鄰里驚異左右神兵侍衛崇儼咸亨四年高宗
 召不應武后賜錦袍玉帶景雲二年十二月八日
 師卒於長安壽年八十時異香氤氳宋贈司徒虢公

趙元帥



趙元帥

三月十五日生

姓趙諱公明中南山人也自秦時避世山中精修至
 道功成奉 玉帝旨召為神霄副帥按元帥乃皓
 廷霄度天慧覺昏梵炁化生其位在乾金水合炁
 之象也其服色頭戴鐵冠手執鈇鞭者金遘水炁
 也面色黑而鬚鬚者炁炁也跨虎者金象也故此
 水中金之象躰則為道用則為法法則非雷霆無
 以彰其威泰華西臺其府乃元帥之主掌而帥以
 金輪稱亦西方金象也元帥士奉天門之令乘後
 三界巡察五方提點九州為直殿大將軍為北極

將御史一漢祖天師修煉大丹竈神奏帝請元猛
神吏為之守護由是元帥士奉玉旨後正一玄壇
趙元帥正則萬邪不干一則純一不二是職至重天
師飛昇之後永鎮龍虎名山殿今三元開壇傳度
其趨善建功謝過之人及頑冥不化者皆元帥掌
之故有龍虎玄壇實賞罰之一司部下有八王猛
將者以應八卦也有六毒大神者以應天煞地煞
年煞月煞日煞時煞也五方雷神五方猖兵以應
五行二十八將以應二十八宿天和地合二將所
以象天門地戶之闔闢水火二營將所以象春生
秋殺之往來驅雷役電致雨呼風除瘟剪祟保病

攘災元帥之功莫大焉至如公訟冤抑神能使之
解釋公平買賣求財公能使之宜利和合但有公
平之事可以對神禱無不如意一士天聖號一高
上神霄王府大都督五方之巡察使九州社令都
大提點直殿大將軍主領雷霆副元帥北極侍御
史三界大都督應元昭烈侯掌士定命帳設使二
十八宿都總管上清正一玄壇飛虎金輪勅法趙
元帥

彭元帥



彭元帥

元帥姓彭氏諱廷堅嘗尹崇安縣平詣寇盜如摧枯
拉朽有功元至正中累官福建宣慰司副都元帥
時群寇竊發彭一一削平後以馬蹶遇害群盜創
之屍僵立不仆双目上指鬚髮偃動如風颺上盜
不敢近逼者移時事息故吏奉其柩還崇安民哀
慕如喪父母立祠肖像以求其祀歲時祭享凡水
旱疾疫趨走祈禱神為降靈如響俗呼之曰彭元
帥延及傍邑祠像靈應兩如之

潤濟侯



潤濟侯

侯神後魏賀虜將軍也諱原嘗師行屯汾州之白彪
 山苦燥渴不得水軍心恟上侯為飯度下馬禮天
 顛神以死自誓忽馬跑地出泉自是靈源融液灌
 溉者資之功利及物久而不磨邑人為立廟於白
 彪山之前靈應特異京賜廟額曰永澤封神為潤
 濟侯
 本朝洪武十一年號曰白彪山馬跑泉之神有司春
 秋致祭

水滸會甫農神記

威濟侯



威濟侯

侯姓李諱祿安吉州長興縣童莊人也於宋徽宗崇寧三年正月十八日甲申生長而異稟性質頗重語不妄發鄉社之人遇有休咎禍福之將至輒能前知而告戒之年十八當宣和三年三月忽預告鄰里鄉社云吾將往山東膠西為國家幹事恐須數年方歸遂端坐而逝其後數有靈跡見於本鄉如年穀之豐凶蚕麥之得失皆以傳之巫覡殆若印券契鑰不差毫厘於是父老相率為立香火之地而祠祭之寧宗賜廟額曰顯應理宗封威濟侯

永濟州志卷之四

靈派侯



靈派侯

李瑒本衛州三用人也周世宗朝為將善騎射於國
 有功後因病至重有問疾者其衆公無別語告衆
 曰我投山東滌河將軍也言訖公卒焉後人立祠
 於此至唐玄宗開元年封為
 靈派將軍至宋真宗大中祥符八年封為
 靈派侯

崔府君



崔府君

崔府君者乃初州鼓城人也父讓與妻虔誠禱於往
 岳祈嗣是夜夫妻夢一仙童手擎一合崔讓問之
 童曰帝賜合中之物令君夫妻吞之言訖舉合蓋
 視之見美玉二枚夫妻各吞其一覺后有娠十月
 滿足於隋大業三年六月六日降生一子神彩秀
 異於常人幼而從學日誦千言不窺群子之戲因
 名子玉時

唐太宗貞觀七年詔舉天下賢良赴都朝廷任用府
 君公在內焉各賜縣令出身府君除潞州長子縣

令正直無私察同秋毫郡人皆言知縣晝理陽間
夜斷陰府時五月初間知縣示諭邑人此月望日
及望後一日無得殺生及獵射如犯者官中決折
陰府理問時有潛出廟外射得兔一隻入城門吏
搜住執於庭下問之曰尔等故犯欲以縣庭受罰
陰府受罰其人云乞於陰府受罰以為陰理將遠
言訖各放還家是夜方就枕俄有一黃衣吏喚二
人至於公庭一而廳上却見崔知縣王者冠服檢
諸人罪狀或促其壽或墮其子孫或減其食祿汝
輩善惡自當裁之令還本家遂驚而覺其人乃異
之忽一日門吏報曰鵬黃嶺有猛虎攔路傷人公

遣首吏孟完賫符牒至山廟勾虎其虎出自啣符
牒隨吏而至公所崔公責之曰汝乃異類食啖人
命罪當如何其虎聞之觸階而死邑人立生祠祀
之貞觀十七年遷磁州滏陽縣令整太宗陰府君
在之事決楊叟二子負債之寃後迂衛州衛縣令
典奕碁人楊叟同赴任所西南五里有河時夏月
水汎漂滄民田公於河上設壇以詞奏於上帝少
頃間有一巨蛇浮於水面而卒水漸散去郡人亦
立生祠祀焉一日公與楊叟奕碁忽有黃衣數輩
執符而言曰吾奉

上帝命云云次有玉珪王帶紫服冠簪秀衣五岳衛

出修補神言 卷之四
旗又有百餘人皆拜畢而立奏簫韶絲竹之音樂
復有一神取白馬至府君曰汝輩少待遂呼二子
曰吾將去世無得大慟取紙筆寫百字銘以訓其
子二子泣拜而授命言訖而卒在世六十四年后
玄宗值祿山亂夜夢神人告之曰願借下駕不可
別方此賊不义而滅又何避之帝問姓名曰臣乃
磁州滏陽令崔子玉帝驚覺后果如其言駕歸闕
下建廟封靈聖護國侯至唐武宗天下大水漲溢
禱之乃止加封護國威應公

宋真宗加封 護國西齊王至

高宗避難走鉅鹿馬斃冒雨獨行暮宿大姬家姬約

五鼓以包裹彘肩置馬上請行稍前遇三岐路惑
焉忽見白馬帝異之躡其后晚至靈祠廡下有生
馬撫之汗如雨因宿夢青衣紫袍人杖擊地促其
亟行驚起遲明笈眠紙亭祝板題云磁州都土地
崔府君俄聞琤珞声乃登殿觀像如夢中所見寂
無人惟几上有谷内有酒食帝食之將出馬白馬
復前導至斜橋谷馬忽不見益異之而從臣耿南
仲將民兵數千來迎及南渡首為立廟賜額曰顯
衛

伏波將軍



伏波將軍

將軍即漢馬援也南服所在祀之廟在思南府故思
州者靈應尤著相傳宋時土人田氏婦夢援未居
其宅及媿而生男名祐恭祐恭生有明識為番部
長徽宗朝內附建炎初受命破劓賊王闢等保安
蜀境璽書嘉勞田氏得世為思州守維時祠不復
靈及祐恭卒人有見其婦於馬援祠者自後祠之
靈應如初而田之后代有異才人以是知祐恭之
生而歿蓋援之出而歸也

密都統



密都統

都統姓密名佑廬州人也神廟在進賢縣西四十里
許按傳宋咸淳中密佑為江西都統无兵至隆興
佑逆戰至龍馬坪元兵圍之數重佑告其部曰今
日死日也若力戰或有生理衆力戰死者過半佑
被執元將欲降之終不屈又令其子說之曰父死
子安之佑斥曰汝行乞於市第云密都統子誰不
憐汝也怡然就死土人因立廟戰所有禱必應靈
感倍常

宋刺史



宋刺史

刺史姓宋名益晉青州人也官番禺刺史後棄職隱
黃梅縣之黃齡洞有道術能役鬼神救人疾疫罔
不靈驗歿而為神人有見其出入者導從如生平
乃為立祠洞前以昭其祀歲早禱雨屢禱屢應如
持券而索之人無不與者唐封顯應侯宋加封靈
濟昭德顯應侯元加封惠隆善濟顯應侯廟祀地
而重新者代上皆然
本朝重建止稱宋刺史之廟

甘大夫



甘大夫

大夫姓甘名卓晉時人按傳卓從元帝渡江有功拜
豫章太守察民所欲惡而聚之去之政通民和
著治績後領兵萍鄉東死於王敦之難廟食於萍
鄉縣之東五十里蓋即其死所也靈應顯著赫耀
一方宋時嘗苦旱數月不雨有司遍禱無驗父
老有以甘大夫為言者時郡守祖無擇從之沐浴
齋戒往謁祠下大雨如霖賴以有秋代加封號
本朝重建祠宇有司春秋祭祀

陸大夫



陸大夫

廟在德慶州之綿石山下有靈應為鄉民福區按夷
 豎志漢陸賈使南越尉陀與之泛舟至此賈嘿禱
 曰我若說越王肯稱臣當以錦裹石為山靈報使
 還遂募人植花卉以代錦後人因之廟祀之宋乾
 道間梁竑入都艤舟石下夜夢一客自称陸大夫
 云我抑鬱於此千餘歲夫君幸見臨願畱一詩竑
 覺異之遂禮其廟題詩於壁上而去父老相傳錦
 石山因陸賈使南越時設錦繡幃帳於此而得名
 姑記此以附

山象魯甫復申記

卷之四

三

杭州蔣相



杭州蔣相公

神姓蔣世為杭州人生宋建炎閣樂振施每秋成糶穀預儲貴則賤糶如元價歲歉或捐以予饑者死時祝其二弟曰須存仁心力行好事里人相與塑其像以報仁心所趨靈應如響祈卜者肩相摩感淳初賜廟額曰廣福六年安撫潛說友請於朝封神及二弟皆列侯曰

第一位孚順侯

第二位孚應侯

第三位孚祐侯

高里相公



高里相公

高里起相公者乃長安高里村人也世本農秉耕鋤
 為公業習科舉登第為人鯁直無私累陳諫事不
 听公乃觸階而死郡人立其祠今在長安西二十
 里有墳亦在左道睿宗延和年封公為
 直列侯俗呼為相公也

祖將軍



相將軍

將軍不知何許人亦未詳其姓字廟獨立於九江之
 景星湖塑像儼然代著靈驗居民及舟行者禮拜
 必慎按唐歐陽詹集云魯國顏公頃為湖州牧州
 產碑材公載石還次江州蛟奔螭引直至湖心則
 茂林峭石勢環氣勝有神祠曰祖將軍廟公捐金
 建亭名曰祖亭製文勒碑以紀其事昔人過其廟
 有詩云

青山出沒無還有

綠水浮沉去亦來

為問將軍當日事

却憐埋骨洞庭隈

花卿



花卿

卿姓花名敬定本長安人也廟在眉州之東館鎮按
傳花敬定唐至德間從崔光遠入蜀討段子璋有
功封嘉祥縣公後又與巨寇相持力戰疾呼從辰
入酉部伍已潰落殆尽卑駭麤戰已喪其元猶騎
馬荷戈至鎮下馬沃盥適浣婦女語曰無頭何以
盥為遂僵仆居民葬之溪上歷代廟祀之靈跡顯
赫杜甫歌

成都猛將有花卿
用如鷹鷂風火生

學語小兒知姓名
見賊惟多身始輕

世傳
補
不言
卷之四
華山之神



華山之神

神有三一晉淳丘翁一其徒王褒一其徒郭妙時稱
華蓋三仙道場在撫州之崇仁仙華山徠構為祠
高聳雲表大著靈迹士庶之災異疾疫咸趨禱祠
下禱者先期齋戒至期執香帛行如買珠來則馳
道去者但拱立道左無敢僭越阿諛之聲連閭四
野頗類泰岳太和山之禱謁者然昔人有詩云
 蜀翻碧澗泉中石 飛透丹霞洞裏天
 更問浮丘何所事 好來東去看蒼田

聶家香火



聶家香火

香火姓聶族于南昌之王家渡相傳聶上世一老媪甚賢時有精風鑑者往來止宿其家媪禮之始終不倦急其人嘗謂媪曰當厚報汝家後果指點一穴授之築且祝曰願代七陰官自是聶家每代出一靈神顯化感應鄉人爭祀之有聶大官冠服如生聶二官聶三官聶四官聶五官聶六官俱戎裝擐甲又有聶九舍人最幼小為神時人噪呼曰聶家香火

搜神記卷之四終

月家會通夏甲巳

